



აღსრულების ეროვნული ბიურო National Bureau of Enforcement

სატენდერო დოკუმენტაცია

ქ. თბილისის იუსტიციის სახლის ტერიტორიაზე (მდებარე ქ. თბილისი სანაპიროს ქ.
#2) ავტოსადგომის მოწყობის სამუშაოების შესყიდვა ელექტრონული ტენდერის
საშუალებით

დაფინანსების წყარო - აღსრულების ეროვნული ბიუროს საკუთარი შემოსავლები

სარჩევი

1. საკვალიფიკაციო მოთხოვნები, რომლებსაც უნდა აკმაყოფილებდეს პრეტენდენტი;
2. პრეტენდენტის მიერ სახელწმიფო შესყიდვების ერთიან ელექტრონულ სისტემაში ასატვირთი ინფორმაცია;
3. ანგარიშსწორების პირობები;
4. გარანტია;
5. სამუშაოების დასრულების ვადა;
6. ხელშეკრულების აუცილებელი პირობები და ფორმა;
7. სატენდერო წინადადების ღირებულების გაანგარიშების მეთოდი;
8. შესყიდვის პროცედურების შესახებ დამატებითი ინფორმაციის და განმარტებების მიღების საკონტაქტო ინფორმაცია;
9. აფიდავიტის საილუსტრაციო ფორმა;
10. დანართი (რეკვიზიტების ფორმა);
11. მოცულობათა უწყისი;
12. პროექტი.

1. საკვალიფიკაციო მოთხოვნები, რომლებსაც უნდა აკმაყოფილებდეს პრეტენდენტი

საკვალიფიკაციო მონაცემები უნდა შეიცავდეს შემდეგ ცნობებსა და ინფორმაციას:

1.1 იურიდიული პირებისათვის:

- ა) სსიპ - საჯარო რეესტრის ეროვნული სააგენტოს მიერ გაცემული ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან;
- ბ) ცნობა შესაბამისად თბილისის ან ქუთაისის საქალაქო სასამართლოდან, გადახდისუნარიობის საქმის წარმოების შესახებ.
- გ) სსიპ - შემოსავლების სამსახურის მიერ გაცემული ცნობა ბიუჯეტთან ანგარიშსწორების შესახებ.

1.2 ფიზიკური პირებისათვის:

- ა) პირადობის დამადასტურებელი მოწმობის ან პასპორტის ასლი.
- ბ) სსიპ - შემოსავლების სამსახურის მიერ გაცემული ცნობა ბიუჯეტთან ანგარიშსწორების შესახებ.
- გ) სსიპ - საჯარო რეესტრის ეროვნული სააგენტოს მიერ გაცემული ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან.

შენიშვნა:

- ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ საქართველოს სახელმწიფო შესყიდვების სააგენტოს 2011 წლის 07 აპრილის №9 ბრძანების მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყების შემდეგ, ხოლო არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტები გაცემული უნდა იყოს ამ წესის მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყებამდე არა უგვიანეს ოცდაათი დღისა.
- არარეზიდენტმა ფიზიკურმა და იურიდიულმა პირებმა უნდა წარმოადგინონ თავიანთი ქვეყნის შესაბამისად უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2. პრეტენდენტის მიერ სახელმწიფო შესყიდვების ერთიან ელექტრონულ სისტემაში ასატვირთი ინფორმაცია:

ა) პრეტენდენტებმა უნდა წარმოადგინონ ხარჯთაღრიცხვა, შედგენილი მოცულობათა უწყისის შესაბამისად დამოწმებული ხელმოწერითა და ბეჭდით, (იმ დარიცხვების გათვალისწინებით რომელიც მოცემულია მოცულობათა უწყისში).

ბ) ინფორმაცია სამუშაოებში გამოსაყენებელი ტექნიკური აღჭურვილობის შესახებ დანართის შესაბამისად.

#	მოწყობილობა- მექანიზმის დასახელება	აღწერილობა, მოდელი, ტიპი, მარკა და ასაკი	რაოდენობა	მდგომარეობა (ახალი, ნახმარი, მოძველებული)

გ) ინფორმაცია ანალოგიური სამუშაოების (სამშენებლო სამუშაოები) წარმოების შესახებ, რომელიც ჯამში ბოლო ორი წლის განმავლობაში (2010-11 წლები) არ უნდა იყოს 5 000 000 (ხუთი მილიონი) ლარზე ნაკლები. დასტურად პრეტენდენტებმა უნდა წარმოადგინონ გაფორმებული ხელშეკრულებები, შესრულებულ სამუშაოებზე მიღება-ჩაბარების აქტები და მინიმუმ 3 სარეკომენდაციო წერილი შემსყიდველი ორგანიზაციებიდან სამუშაოების წარმატებით შესრულებაზე .

დ) წერილი ან ცნობა სადაზღვევო კომპანიიდან, პრეტენდენტის გამარჯვების შემთხვევაში, სამშენებლო სამუშაოების, მესამე პირის მიმართ მიყენებული ზიანის და სამშენებლო მასალების დაზღვევაზე მზადყოფნის შესახებ.

ე) ინფორმაცია ანგარიშსწორების პირობების შესახებ.

ვ) ინფორმაცია საგარანტიო ვადის შესახებ.

ზ) ინფორმაცია სამუშაოების დასრულების ვადის შესახებ და გეგმა-გრაფიკი.

თ) რეკვიზიტები - დანართი №1-ის შესაბამისად.

შენიშვნა: ზემოთ ჩამოთვლილი ინფორმაცია უნდა ატვირთოს ელექტრონულ სისტემაში.

3. ანგარიშსწორების პირობები

- ანგარიშსწორების ფორმაა უნდადლო ანგარიშსწორება ეროვნულ ვალუტაში;
- დასაშვებია წინასწარი ანგარიშსწორება, არაუმეტეს ხელშეკრულების ღირებულების 40%-ის ოდენობით, შესაბამის თანხაზე საბანკო გარანტიის (გაცემული მხოლოდ საბანკო დაწესებულების) წარმოდგენის შემთხვევაში, რომლის მოქმედების ვადა მინიმუმ 30 დღით უნდა აღემატებოდეს სამუშაოების დასრულების ვადას.

შენიშვნა: ტენდრში გამარჯვებული პრეტენდენტი ვალდებულია შემსყიდველს წარუდგინოს ხელშეკრულების შესრულების უზრუნველყოფის საბანკო გარანტია სახელშეკრულებო თანხის 5%-ის ოდენობით, გაცემული მხოლოდ საბანკო დაწესებულების მიერ რომლის მოქმედების ვადა მინიმუმ 30 დღით უნდა აღემატებოდეს ხელშეკრულების მოქმედების ვადას.

4. გარანტია

მინიმალური საგარანტიო პირობები:

- შესრულებულ სამუშაოებზე, კერძოდ კონსტრუქციულ ნაწილზე გარანტია უნდა ვრცელდებოდეს არანაკლებ 30 წელი, ხოლო სხვა დანარჩენ სამუშაოებზე არანაკლებ 2 წელი.

5. მშენებლობის დასრულების ვადა

- სამუშაოების დასრულების ვადაა - ხელშეკრულების გაფორმებიდან არაუგვიანეს 5 (ხუთი) თვე.

6. ხელშეკრულების აუცილებელი პირობები და ფორმა;

ხელშეკრულება
სახელმწიფო შესყიდვების შესახებ

ქ.თბილისი

2012წ.

ჩვენ, ქვემოთ ხელის მომწერნი, ერთის მხრივ, საქართველოს იუსტიციის სამინისტროს სსიპ - აღსრულების ეროვნული ბიურო, (შემდგომში - შემსყიდველი ორგანიზაცია), წარმოდგენილი მისი ----- სახით და მეორეს მხრივ, ----- (შემდგომში - მიმწოდებელი), წარმოდგენილი მისი ----- სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

I ხელშეკრულების საგანი

- 1.1. ხელშეკრულების საგანია სამუშაოს (შემდგომში - შესყიდვის ობიექტი) შესყიდვა ელექტრონული ტენდერის საშუალებით .
- 1.2. შემსყიდველი ორგანიზაციისათვის-----.

II შესყიდვის ობიექტის ღირებულება

- 2.1. შესყიდვის ობიექტის საერთო ღირებულება შეადგენს ----- (-----) ლარს საქართველოს მოქმედი კანონმდებლობით დადგენილი გადასახადების გათვალისწინებით.

III შესყიდვის ობიექტის მიწოდების ვადები და ადგილი

- 3.1. შესყიდვის ობიექტის მიწოდება წარმოებს 2012 წლის -----
- 3.2. შესყიდვის ობიექტის მიწოდების ადგილია ქ. თბილისი, სანაპიროს ქუჩა #2.

IV შესყიდვის ობიექტის მიღება-ჩაბარების წესი

შესყიდვის ობიექტი ჩაითვლება მიღებულად სამუშაოს შესრულებისა და შესაბამისი მიღება-ჩაბარების აქტის გაფორმების შემდეგ.

V ანგარიშსწორების ფორმა, ვადა და ადგილი

5.1. მიმწოდებელთან ანგარიშსწორება განხორციელდება ლარებში, „სააღსრულებო წარმოებათა შესახებ“ საქართველოს კანონის საფუძველზე მიღებული შემოსავლებით, სსიპ - ლევან სამხარაულის სახელობის სასამართლო ექსპერტიზის ეროვნული ბიუროს მიერ გაცემული დასკვნის საფუძველზე.

5.2. მიმწოდებელს შესყიდვის ობიექტი აუნაზღაურდება უნაღდო ანგარიშსწორებით.

5.3 დასაშვებია -----იანი წინასწარი ანგარიშსწორება შესაბამის თანხაზე საბანკო გარანტიის წარმოდგენის შემთხვევაში.

5.3. ანაზღაურების ადგილია ქ.თბილისი.

VI მხარეთა უფლება-მოვალეობანი

6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.

6.2. შემსყიდველი ორგანიზაცია ვალდებულია:

- ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესრულებული სამუშაოს ღირებულება.

6.3. შემსყიდველ ორგანიზაციას უფლება აქვს:

- განახორციელოს ინსპექტირება მიმწოდებლის მიერ ხელშეკრულებით ნაკისრი ვალდებულებების შესრულებაზე;
- მოსთხოვოს მიმწოდებელს შესრულებული სამუშაოს ინსპექტირების შედეგად გამოვლენილი დეფექტების აღმოფხვრა შემსყიდველი ორგანიზაციის მხრიდან რაიმე დამატებითი დანახარჯის გაწევის გარეშე.

6.4. მიმწოდებელი ვალდებულია:

- განახორციელოს სამუშაოს შესრულება ხელშეკრულებით გათვალისწინებული პირობების შესაბამისად;

- საკუთარი ხარჯებით უზრუნველყოს ინსპექტირების შედეგად გამოვლენილი დეფექტების აღმოფხვრა;
- დაიცვას ხელშეკრულებით გათვალისწინებული ყველა პირობა.
- სამუშაოების მიმდინარეობის პერიოდში და დასრულების შემდეგ გაათავისუფლოს ტერიტორია სამშენებლო ნარჩენებისაგან.

6.5. მიმწოდებელს უფლება აქვს:

- მოსთხოვოს შემსყიდველ ორგანიზაციას შესრულებული სამუშაოს ღირებულების ანაზღაურება ხელშეკრულებით გათვალისწინებული პირობების შესაბამისად.

VII ხელშეკრულების ინსპექტირების პირობები

ხელშეკრულების ინსპექტირებას განახორციელებს აღსრულების ეროვნული ბიუროს -----
-----.

VIII. გარანტია

8.1 შესყიდვის ობიექტის საგარანტიო ვადა შეადგენს მიღება-ჩაბარების აქტის გაფორმების დღიდან ----- წელს.

8.2 საგარანტო პერიოდის განმავლობაში შესყიდვის ობიექტის ექსპლუატაციისას, დეფექტების გამოვლენის შემთხვევაში, მიმწოდებელი ვალდებულია განახორციელოს დეფექტების აღმოფხვრა შემსყიდველი ორგანიზაციის მხრიდან რაიმე დამატებითი დანახარჯის გაწევის გარეშე.

8.3 მიმწოდებლის მიერ 8.2. პუნქტში მითითებული ვალდებულების შეუსრულებლობის შემთხვევაში შემსყიდველ ორგანიზაციას უფლება აქვს საკუთარი ხარჯებით აღმოფხვრას ექსპლუატაციის პროცესში გამოვლენილი დეფექტები და მოსთხოვოს მიმწოდებელს შესაბამისი ხარჯების ანაზღაურება.

IX მხარეთა პასუხისმგებლობა ხელშეკრულების პირობების დარღვევისას

9.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის მოქმედი კანონმდებლობის შესაბამისად.

9.2. თუ ხელშეკრულების ერთი მხარე ხელშეკრულებით გათვალისწინებულ ვადაში არ ასრულებს ან არაჯეროვნად ასრულებს ხელშეკრულებით ნაკისრ ვალდებულებას, მეორე

მხარე წერილობითი ფორმით უწესებს მას დამატებით ვადას ხელშეკრულებით გათვალისწინებული პირობების შესრულებისათვის.

9.3. ხელშეკრულების ერთი მხარის მიერ დამატებით ვადაში ვალდებულების კვლავ შეუსრულებლობის ან არაჯეროვნად შესრულების შემთხვევაში, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.

9.4. ხელშეკრულების მხარეს, მის მიერ შესყიდვის ობიექტთან დაკავშირებული ვალდებულების შესრულების ვადის გადაცილების შემთხვევაში, დაეკისრება პირგასამტეხლო ყოველ ვადაგადაცილებულ დღეზე შესყიდვის ობიექტის საერთო ღირებულების 0.1 პროცენტის ოდენობით.

9.5. თუ ერთი მხარისთვის დაკისრებული პირგასამტეხლოს ჯამური თანხა გადააჭარბებს შესყიდვის ობიექტის საერთო ღირებულების 10 (ათი) პროცენტს, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.

9.6 ხელშეკრულების შესრულების უზრუნველყოფის მიზნით გამოიყენება მიმწოდებლის მიერ წარმოდგენილი საბანკო გარანტია ხელშეკრულების ჯამური ღირებულების 5%-ზე. აღნიშნული გარანტია გამოიყენება ნებისმიერი ზარალის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო:

9.7 მიმწოდებლის მიერ ხელშეკრულებით ნაკისრი ვალდებულებების დარღვევის შემთხვევაში (ვალდებულებების შესრულებაზე უარის თქმის, უხარისხოდ, არაჯეროვნად შესრულების და სხვა) შემთხვევაში მიმწოდებელს საბანკო გარანტია არ დაუბრუნდება.

9.8 მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ შემსყიდველი ვალდებულია დაუბრუნოს მიმწოდებელს ხელშეკრულების შესრულების უზრუნველყოფის გარანტია.

9.9 მიმწოდებლისგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების უზრუნველყოფის გარანტია.

X ფორს-მაჟორული სიტუაციები

10.1. მხარეები პასუხისმგებელნი არ არიან თავიანთ ვალდებულებათა სრულად ან ნაწილობრივ შეუსრულებლობაზე, თუ ის გამოწვეულია ისეთი გარემოებებით, როგორიცაა: წყალდიდობა, ხანძარი, მიწისძვრა და სხვა სტიქიური მოვლენები, აგრეთვე საომარი მოქმედებები, რომლებიც უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, ხელისშემშლელ გარემოებათა აღმოფხვრის შემდეგ.

10.2. თუ ფორს-მაჟორული გარემოებების გამო სახელშეკრულებო ვალდებულებების მთლიანი ან ნაწილობრივი შეუსრულებლობა გრძელდება ორ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე. მხარე, რომელსაც შეექმნა ფორს-მაჟორის გარემოება, დაუყოვნებლივ აცნობებს ამის შესახებ მეორე მხარეს.

XI ხელშეკრულების პირობების გადასინჯვა

11.1. ხელშეკრულებების პირობების შეცვლა დაუშვებელია, თუ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევაშიც ფასის ცვლილება დასაშვებია არაუმეტეს 10%-ისა.

11.2. ხელშეკრულებაში ცვლილებების და დამატებების შეტანა შესაძლებელია მხარეთა თანხმობის შემთხვევაში. ნებისმიერი ცვლილება და დამატება ხელშეკრულებაში შეიძლება შეტანილ იქნეს მხოლოდ წერილობითი ფორმით. ხელშეკრულების პირობების ნებისმიერ ცვლილებაზე უნდა გაფორმდეს შეთანხმება, რომელიც ჩაითვლება ხელშეკრულების განუყოფელ ნაწილად.

XII ხელშეკრულების მოქმედების ვადა

ხელშეკრულება ძალაშია მხარეთა მიერ მასზე ხელმოწერის დღიდან და მოქმედებს 2012 წლის -----.

XIII დავა და მისი გადაწყვეტის წესი

13.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.

13.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს კანონმდებლობით დადგენილი წესით.

XIV სხვა პირობები

14.1. საკითხები, რომელიც არ არის გათვალისწინებული ამ ხელშეკრულებით, რეგულირდება საქართველოს კანონმდებლობით დადგენილი წესით.

14.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.4. ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

XV მხარეთა იურიდიული მისამართები და რეკვიზიტები, მხარეების წარმომადგენელთა ხელმოწერები, ბეჭედი

საქართველოს იუსტიციის სამინისტროს
სსიპ „აღსრულების ეროვნული ბიურო“
ქ. თბილისი, აღმაშენებლის ხეივანი მე-10
კილომეტრი
ს/ს „თიბისი ბანკი“
მარჯანიშვილის ფილიალი
კოდი: 220101850
ა/ა GE76TB70101010101010
საიდენტიფიკაციო კოდი: 205263873

7. სატენდერო წინადადების ღირებულების გაანგარიშების მეთოდი

სატენდერო წინადადებაში საერთო და ერთეულის ფასი გამოსახული უნდა იყოს ლარებში (საქართველოს კანონმდებლობით დადგენილი ყველა გადასახადების გათვალისწინებით).

8. შესყიდვის პროცედურების შესახებ დამატებითი ინფორმაციის და განმარტებების მიღების საკონტაქტო ინფორმაცია:

დამატებითი ინფორმაცია დაინტერესებულ პირებს შეუძლიათ მიიღონ სსიპ - აღსრულების ეროვნულ ბიუროში, მისამართზე ქ. თბილისი, დავით აღმაშენებლის ხეივანი მე-10 კილომეტრი, მე-3 სართული, შესყიდვების სამსახური. საკონტაქტო პირები

9. აფიდავიტის საილუსტრაციო ფორმა

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

- * ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;
- * უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;
- * ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;
- * ჩემთვის ცნობილია, რომ ტერმინი “კონკურენტი” აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;
- * მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
 - სატენდერო წინადადების ფასი;
 - სატენდერო წინადადების ფასის გამოთვლის მეთოდი, კოეფიციენტი ან ფორმულა;
 - სატენდერო წინადადების წარდგენა ან წარდგენისგან თავის შეკავება;
 - ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებულ ტენდერის პირობებს;
 - შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;
- * სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

10. დანართი (რეკვიზიტების ფორმა);

დანართი №1

რეკვიზიტები

ორგანიზაციის დასახელება	
სადენტიფიკაციო კოდი	
მისამართი (იურიდიული და ფაქტიური)	
ხელმძღვანელის სახელი და გვარი	
მომსახურე ბანკის დასახელება	
ბანკის კოდი	
ანგარიშსწორების ანგარიში	
ტელეფონის ნომერი	

ხელმძღვანელის ხელმოწერა და ბეჭედი : -----